

# Promosi menu tempatan kepada pelancong

Oleh SHAZZUAN SHAH  
MOHD SALEH  
Foto SARDI MARHOM

BANDA HILIR 17 Jan. - Pengusaha restoran di negeri ini disaran menggunakan peluang sedia ada untuk menghidangkan menu tempatan bagi menarik lebih ramai pelancong ke Melaka.

Ketua Menteri, Datuk Seri Ir. Idris Haron berkata, Melaka semakin dikenali kerana pelancongan makan-makan yang diperkenalkan kerajaan negeri sehingga ada yang singgah di sini semata-mata untuk makan asam pedas dan ikan bakar.

Justeru itu, katanya, kerajaan negeri sentiasa mengalu-alukan usaha dan kreativiti para usahawan Melayu menceburi bidang perniagaan khusus bahagian restoran.

"Saya yakin, pengurusan perniagaan yang cekap, strategi pemasaran berkesan dan keupayaan melihat perubahan pada masa depan adalah satu kelebihan tidak ternilai buat usahawan Bumiputera.

"Tanya dalam menghadapi risiko perniagaan yang tinggi sekali gus membantu mencapai hasrat kerajaan negeri menggamit sasaran 16.5 juta pelancong ke Melaka tahun 2016," katanya.

Idris berkata demikian ketika berucap di Majlis Perasmian Khadijah's Kitchen Cawangan Melaka di Imperial Heritage Hotel di sini hari ini.

Majlis perasmian telah disempurnakan oleh Yang di Pertua Negeri, Tun Mohd Khalil Yaakob.

Restoran Khadijah's Kitchen yang mengeten-



MOHD Khalil, Idris dan Fadliah bersama para tetamu bergambar kenangan.

gahkan konsep makanan autentik Malaysia ini merupakan cawangan ketiga dibuka di Malaysia.

Terdahulu, restoran pertamanya telah dibuka

di Petaling Jaya dan kedua di Shah Alam.

Majlis perasmian turut dimeriahkan dengan persembahan khas oleh artis jemputan seperti Datuk

Ramli Sarip, Nasier Wahab dan beberapa artis terkemuka lain.

Turut hadir isteri Ketua Menteri, Datin Seri Fadilah Abdullah; Exco Per-

mahan, Kerajaan Tempatan dan Alam Sekitar, Datuk Ar. Ismail Othman dan Pengasas Khadijah's Kitchen, Datuk Khadijah Ibrahim.



MOHD Khalil, Idris bersama Ramli dan tetamu bergambar bersama.



IDRIS dan Fadliah bersama Khadijah, Ramli serta beberapa tetamu bergambar kenangan.